



15
1301
4



門 5
號 1301
卷 4

唐文拾遺卷之四

榮祿大夫三品頂戴前分巡廣東高廉道加四級臣陸心源輯

元宗皇帝

禁婚部民勅

男年十五女年十三以上聽婚嫁諸州縣官人在任之日不得共部下百姓交婚違者雖會赦仍離之其州上佐以及縣令于所統_司官同其定婚在前居官在後及三輔內官門閤相當情願者不在禁限

唐會要八

二十

定戶勅

昭和十年
二月十四日
購

定戶之時百姓非商戶郭外居宅及每丁一牛不得將入貨財數其雜匠及幕士并諸色同類有番役合免征行者一戶之內四丁已上任此色役不得過兩人三丁已上不得過一人

唐會要八十三

勘覆造籍勅

自今已後應造籍宜令州縣長官及錄事參軍審加勘覆更有疎遺者委所司具本判官及官長等名品錄奏其籍仍寫兩本送戶部

唐會要八十五

招誘戶口勅

檢獲招誘得戶口應合酬者其有課戶皆須待納租

庸然後論功

同上

歸首人報採訪使勅

諸州應歸首復業者比來每至年終皆當州縣錄奏自今已後宜令牒報本道採訪使同勘當道歸首人每州略單數同一狀奏仍挾名報所由

同上

禁兩都燒窑取土勅

京洛兩都是惟帝宅街衢坊市固須修築城內不得穿掘為窑燒造磚瓦其有公私修造不得於街巷穿

坑取土

唐會要八十六

禁與諸蕃互市勅

諸錦綾羅縠繡織成綢絹絲犂牛尾真珠金鐵並不
得與諸蕃互市及將入蕃金鐵之物亦不得將度西
北諸關同上

修兩京城勅

兩京城皇城及諸門并助鋪及京城守把捉兵之處
有城墻若門樓舍屋破壞須修理者皆與所司相知
并量抽當處職掌衛士以漸修營若須登高臨內卽
聞奏之同上

置常平倉勅

關內隴右河南河北五道及荆揚襄夔絲益彭蜀漢

謀
建
本羅道米頂簞
潔白毛承發行

劍茂等州並置常平倉其本上州三千貫中州二千
貫下州一千貫每糴具本利與止倉帳同申唐會要
八十八

賑給水旱勅

諸州水旱皆待奏報然後賑給道路悠遠往復淹遲
宜令給訖奏聞唐會要
八十八

官錢取利勅

兩京行幸緣頓所須應出百姓者宜令每頓取官錢
一百千文作本取利充仍令所由長官專旬當不得
抑配百姓唐會要
二十七

禁封家舉放勅

封家總合送入京其中有別勅許人就領者待州徵足然後一時分付徵未足問封家人不得輒到出封州亦不得因有舉放違者禁身聞奏

唐會要九十一

食封以丁為限勅

諸食實封並以丁為限不須一分入官其物仍令出封州隨庸調送入京其腳以租腳錢充並於太府寺納然後準給封家

同上

封物就坊請頒勅

親王公主等封物宜隨官庸調隨駕所在送至京都賜坊令封家就坊請受餘食封家不在此限仍令御

史一人及太府寺官檢校分付使給了牒

同上

承襲實封勅

諸王公以下食封薨子孫應承襲者除喪後十分減二仍具所食戶數奏聞無後者百日後除諸名山大川及畿內縣並不封

同上

百官月俸勅

百官料錢宜合為一色都以月俸為名各據本官隨月給付其貯粟宜令入祿數同申應合減折及申請時限並依常式

唐會要九十一

給賜鞞鞞等國勅

靺鞨新羅吐蕃先無里數每遣使給賜宜準七千里
以上給付也

唐會要一百

太清宮行禮用朝服勅

比太清宮行事官皆具冕服及奏樂未易舊名并告
獻之時仍陳策祝既非事生之禮皆從降神之儀且
真俗殊倫幽明異數理有非便亦在從宜自今已後
每太清宮行禮官宜改用朝服兼停祝版改爲青詞
于紙上其告獻辭及新奏樂章朕當別自修撰仍令
所司具議儀注奏聞

唐會要五十

簡擇專知兩推勅

東西兩推及左右巡使皆臺司重務比來轉差新人
數有改易既不經久頗紊章程宜簡擇的然公正精
練者令始末專知不得輒替換若無缺失至改轉時
遲速閒以爲褒貶

唐會要六十二

停御史充判官勅

所置御史職在彈違雜充判官誠非允當其諸道節
度使先取御史充判官者並停自今已後更不得奏
若切須奏者不得占臺中缺其本臺長官充使者不
在此限

同上

御史比類能否勅

御史宜依舊制黃卷書缺失每歲委知雜御史長官比類能否送中書門下改轉日褒貶同

禁私役幕士勅

衛幔幕羶褥等所由多借人非理損污因循日久為弊頗深爰及幕士私將驅使并廣配充廳子馬子並放取資近今推問事皆非繆今後其幔幕羶褥等輒將一事借人並同盜三庫物科罪并使幕士與人張設及自驅使擅取放資計受贓數以枉法論其借人及借與人等六品已下非清資官決放餘聽進止仍委左右巡使常加糾察唐會要六十五

注授評事勅

大理評事今後子弟及至親中有未歷畿縣者不得

注授唐會要六十六

恤賞入朝蕃客勅

九姓堅昆諸蕃客等因使入朝身死者自今後使給一百貫充葬副使及妻數內減三十貫其墓地州縣與買官給價直其墳墓所由營造同

舉人箭塚勅

自今以後應試選舉人長塚宜以十隻箭為限並入第一院與兩單上八隻入第一院兩隻入第二院與

一單上次上十隻不出第三院與單上十隻不出第
四院與次上餘依常式

唐會要
五十九

停武官番試勅

習武入官已經精簡隨番更試事頗為煩其武官自
今已後因番試及過中書門下宜停

同

分賜胙肉勅

祭必奉牲禮有歸胙將興施惠之教以廣神明之福
比來胙肉所進頗多自茲以後即宜少進仍分賜祭
官及應入衙常參官廚共食

唐會要
二十三

閏二月停服袴褶勅

百官朔望朝參應服袴褶并著珂璫至閏二月一日
宜停自今以後每逢此閏仍永為常式

唐會要
二十四

從容朝參勅

自今以後每朔望朝晚于常儀一刻進外辦每座喚
仗令朝官從容至閤門入至障外不須趨走百司無
事至午後放歸無為守成宜知朕意

同

太守謝表附驛勅

比來牧守初上淮式附表申謝或因便使或有差官
事頗勞頓亦資取置自今已後諸郡太守等謝上表
宜並附驛遞進務從省便

唐會要
二十六

寒食禁火勅

禮標納火之禁語有鑽燧之文所以燮理寒燠節宣氣候自今以後寒食並禁火三日

唐會要二十九

停用赤色勅

近改旗幟為赤黃以符土德其諸衛隊仗緋色者宜令所司依內出黃色樣即造其槍並用赤稠木仍依本色不須更染別色長一丈四尺為限其諸軍職掌有先用火焰緋幡處宜各依一樣送付諸道準此改換先用赤色宜停

唐會要三十二

聽家畜絲竹勅

五品已上正員清官諸道節度使及太守等並聽當家畜絲竹以展歡娛行樂盛時覃及中外

唐會要三十四

教習孝經勅

自今已後宜令天下家藏孝經一本精勤教習學校之中倍加傳授州縣官長明申勸課

唐會要三十五

加枉法贓律勅

官吏准律應枉法贓十五匹合絞者自今已後特宜加至二十匹仍即編諸律著為不刊

唐會要四十

贖銅納錢勅

其贖銅如情願納錢每觔一百二十文若負欠官物

應徵正贓及贖物無財以備官役折庸其物雖多止
限三年一人一日折絹四尺若會恩旨其物合免者
停役同上

專知敘勅

准制及格式敘勅今後宜令司勳員外郎二人除曹
務之外每有勳甲團進後專知磨勘所須主事令史
任簡擇差定如有疏略委本官奏錄唐會要五十八

詳定元元廟樂勅

古今人表元元皇帝升入上聖自今已後每有薦新
先獻元元廟其緣告享所奏樂宜令所司詳定奏聞

并差宗正寺官一員及差戶洒埽兩京崇元學各置
博士助教一員學生一百人資蔭宜同國子學例每
祠享所齋郎便以學生充當唐會要五十

檢校元元宮勅

兩京元元宮及道院等宜委崇元館大學士都檢校
務在精修勿令喧雜仍不更隸宗正其道士等名籍
任依常式同上

內外官考進單數挾名勅

所校內外官考進令京官正月三十日進單數二月
三十日進挾名外官二月三十日進單數三月三十

日進挾名自今已後並了日一時挾名奏不須更進
單數冊府六百三十五

關內庸調徵限勅

勅自今已後京兆府關內諸州應徵庸調及資物并
限十月三十日畢冊府四百八十七

徵收庸調期限勅

自今已後天下百姓宜以十分已上為中男二十三
已上成丁每歲庸調八月徵收農功未畢恐難濟辦
自今已後延至九月二十日為限同上

選人放留條目勅

吏部選人書判藍縷及雜犯不合得留者不限選數
並放除此之內先從選深人一槩並留其選深被放
人選淺得留名且放選留榜示選人各令知委仍以
單狀奏聞不須更起條目冊府六百三十

申嚴遠州不肯到官勅

如聞黔州管內州縣官員多闕吏部補人多不肯去
成官已後或假解或從正考滿得資更別參選自餘
管蠻僚州大率亦皆如此宜令所司於諸色選人內
卽召補並馳發遣至州令都府勘到日申所司如遲
違牒管內都督史口口追毀告身更不須與官冊府

公卿巡謁諸陵勅

每年春秋二時巡謁諸陵差公卿各一人奉禮郎一人右校署令一人其奉禮郎右校署令自今已後宜停至陵所差縣官及陵官攝行事其巡陵儀式宜令太常寺修撰一本送令管陵縣收掌長行需用仍令博士助教習讀臨時讚相承為常式

唐會要二十

置三皇五帝廟勅

三皇五帝創物垂範永言龜鏡宜有欽崇三皇伏羲以勾神農以祝軒轅以風后五帝少昊以蓐收以顓頊以冥以稷高辛以契唐堯以義仲和叔虞舜以夔龍其擇日及置廟

地量事營立其樂器請用宮懸祭請用少牢仍以春

秋二時致享共置令丞令太常寺檢校

唐會要二十二

麴鹽並勒斗量勅

自今已後麴皆以三斤四兩為斗鹽並勒斗量其車

軸長七尺二寸除陌錢每貫二十文餘麴等同

唐會要六

六十

本色人充將作監勅

將作監所置且合取當司本色人充直者宜即簡擇發遣內作使典亦不得輒取外司人充其諸司非本色直及額外直者亦一切並停自今以後更不得補

置如歲月深久尙或因人所由長官量事貶降其所
應直決一頓配糴邊軍

唐會要
六十六

安存致仕官勅

如聞六品已下致仕官四載之後准各並停念其衰
老必藉安存豈限其高卑而恩有差降應五品下致
仕官並終其餘年仍永爲常式

唐會要
六十七

停六品以下員外官勅

內外六品已下員外官至考滿日一切並停各依選
例自今已後更不得注擬其皇親幼小及諸色承優
授官軍功伎術內侍省左右龍武軍並諸蕃官等不

在此例

同上

刺史犯贓加等勅

牧宰字人所寄尤重至於祿料頗亦優豐自宜飭躬
勵節以肅官吏如聞或犯贓私深紊綱紀今後刺史
犯贓宜加常式一等

唐會要
六十八

刺史不得兼別職勅

簡擇刺史冀令撫字諸使等或奏兼別職掌政治有
妨既闕親人仍乖本意自今已後更不得別奏請

同上

郎官御史先取縣令勅

親民之官莫過於縣令比來選司取人必限書判且

文學政事本是異科求備一人百中無一况古來良
宰豈必文人自今已後郎官御史先於縣令中三考
已上有政績者取仍永為常式

唐會要
六十九

禁官吏放債勅

郡縣官寮其為貨殖竟交互放債侵人互為徵收割剝
黎庶自今已後更有此色并追人影認一匹以上其
放債官先解見任物仍納官有剩利者准法處分

同上

選取飛騎勅

應募飛騎請委郡縣長官先取長六尺不足即選取
五尺九寸已上灼然濶壯膂力過人者申送

唐會要
七十二

諸州醫學附甲勅

諸州醫學學生等宜隨貢舉人例申省補署十年與散
官恐年歲深久檢勘無憑仍同流外例附甲

唐會要
七十五

宏文館學生帖試勅

宏文館學生自今已後宜依國子監學生例帖試明
經進士帖經並減半雜文及策皆須粗通仍永為恆

式唐會要
七十七

不差孝假勅

頃以鄉閭侍丁優給孝假官吏等仍科雜役天寶初
已遣優矜如聞比來乃差征鎮豈有捨其輕而不恤

其重放其役而更苦其身眷言及此良用恤然自今後將侍丁孝假不須差行

唐會要八十二

官典受錢同枉法贓勅

自今已後天下兩稅其諸色輸納官典受一錢已上並同枉法贓論官人先解見任典正等先決四十委採訪使巡察若不能舉按者採訪使別有處分

唐會要八

團貌定戶勅

今載諸郡因團貌宜便定戶自今已後任依常式應緣察問對眾取平准今載五月五日勅處分

唐會要八十五

退團貌勅

天下郡縣雖三年定戶每年亦有團貌計其轉年合入中男成丁五十九者任退團貌

同上

禁關西諸國興販勅

如聞關已西諸國興販往來不絕雖托以求利終交通外蕃因循頗久殊非穩便自今已後一切禁斷仍委四鎮節度使及路次所由郡縣嚴加捉搦不得更有往來

唐會要八十六

置廣運潭勅

古之善政貴於足食欲求富國必先利人朕以關輔

之間尤資殷贍比來轉輸未免艱辛故置此潭以通漕運萬世之利一朝而成其潭宜以廣運爲名唐會要八十七

兼官俸料不兩給勅

京官兼太守等官俸料兩給者宜停其外官太守兼京官除準式親王帶京官外任官副大將軍副使知軍及正事京官兼內外官知政事據文合兼給者餘並從一處給任逐穩便唐會要九十七

郡縣缺職錢納當郡勅

郡縣闕職錢送納太府寺自今已後納當郡充員外

官料錢不足卽取正官料錢分若無員外官當郡分

唐會要九十一

停免白直錢勅疑

郡縣官人及公廨白直天下約計一載破十萬丁已上一丁每月輸錢二百八文每至月初當處徵納送縣來往數日功程在於百姓尤是重役其郡縣白直計數多少請用料錢加稅充用其應差丁充白直望請並停一免百姓艱辛二省國家丁壯同上

職田送所管州縣勅

兩京百官職田承前佃民自送道路或遠勞費頗多

自今已後其職田去城五十里內者依舊令佃民自送入城自餘限十月內便於所管州縣并腳價貯納其腳價五十里外每斗各徵二文一百里外不過三文並令百官差本司請受

唐會要九十二

改年為載勅

勅天寶三年改為三載者所論前後年號一切為載其後造帳計歲月云若干載自餘表狀文章並准此冊府四百八十六

男丁計年正役勅

比者成童之歲則挂輕徭既冠之年便當正役憫其

勞苦用軫予懷自今已後百姓宜以十八以上為中

男二十三已上成丁

同上

處分偽畫印勅

其偽畫印宜用偽鑄印刻印之例處分永為常式

唐會

要四十一

太史監官入朝勅

太史監官除朔望朝外非別有公事一切不須入朝及充保識仍不在點檢之限

唐會要四十四

南嶽投龍告文

大唐開元神武皇帝李隆基本命乙酉八月初五日

降誕夙好道真願蒙神仙長生之法謹依上清靈文
投刺紫蓋仙洞位忝君臨不獲朝拜謹令道士孫智
涼賚信簡以聞惟金龍歸傳

與倭皇書

皇帝問倭皇使人長吏大禮蘇因高等至具懷朕欽
承寶命臨御區宇思弘德化覃被含靈愛育之情無
隔遐邇知皇命居海表撫寧民庶境內安樂風俗融
和深氣至誠遠修朝貢丹款之美朕有嘉焉稱暄比
如常也故遣鴻臚寺堂客裴世清等稍宣往意并送
物如別時

日本書紀
卷二十二

肅宗皇帝

事蹟詳全唐文四十二

贈故利州司功參軍嚴方約等制

門下有後之慶諒存乎義方飾終之典用彰於錫類
故利州司功參軍嚴方約等早申嘉績夙負奇才名
器重於當時闕著於遺烈雖舟壑已謝久淪過隙之
期而子孫皆賢實積高門之屬恩加令嗣澤及先
臣宜優表贈之禮俾洽闕榮

前件主者施

行黃本顏魯公
文集卷十七

贈顏惟貞祕書監等官制

門下悼往之義必在

之興允資於錫類

銀青光祿大夫行尚書

父贈貝州刺史

璩等才業貞修風襟滄茂或

踐於周行

或幹用馳聲備更於歷選或量才未適或稟命不融

永惟過隙之悲是得承家之美教忠斯在行慶攸歸

宜覃泉壤之恩式叶哀榮之命可依前件主者施行

同上

贈韓擇木亡母張氏等制

門下禮厚飾終義殷錫類永惟泉壤諒在哀榮金紫
光祿大夫守太子少保集賢殿學士副知院事上柱

國昌黎郡開國公韓擇木亡母贈南陽縣太君張氏
等柔順壺儀慈和家範含章內備純德外昭遽從遷
壑之悲空聞擇鄰之訓顧其嗣光我縉紳或已及
追封或未從表贈載覃渥澤爰洽幽明宜宏休命俾
協彝典可依前件主者施行同上

賜韋見素等子孫一人官詔

太子太師見素太子少傅李遵太子少保韓擇木太

子賓客嗣吳王祇太子詹事兼揚州長史崔圓並承
東宮優異品秩已高不可更改宜各與子孫一人官
冊府七
百十一

備國馬詔

園苑內有閑廐使總監各據所管地界耕種收草粟
以備國馬冊府六百
二十一

停採訪黜陟使詔

近緣狂寇亂常每道分置節度其管內緣徵發及文
牒兼使命來往州縣非不艱辛仍加採訪轉益煩擾
其採訪使置來日久并諸道黜陟使便宜且停待後

當有處分唐會要
七十八

典貼虛實詔

應典貼莊宅店鋪田地磴碾等先爲實錢典貼者令
還以實錢價先以虛錢典貼者令以虛錢贖其餘交
關並依前用當十錢唐會要
八十九

慎擇御史勅

風憲之地百寮準繩頃者有司殊非慎擇其御史須
曾任州縣理人官者方得薦用唐會要
六十二

均平科役勅

諸州百姓多有流亡或官吏侵漁或盜賊驅逼或賦

卷四
歛不一或徵發過多俾其怨咨何以輯睦自今已後
所有科役須使均平本戶逃亡不得輒徵近親其鄰
保務從減省要在安存

唐會要
八十五

量給官祿勅

天下郡府及縣官祿白直品子等課從今年正月一
日已後並給一半事平之後當續支還

唐會要
九十

賊數約絹估勅

先准格例每例五百五十價估當絹一匹自今已後
應定賊數宜約當時絹估並准實錢庶叶從寬俾在
不易

唐會要
四十

又勅

名例律評賊者皆據犯處當時物價及上絹估評功
庸者計一人一日爲絹三尺牛馬驢騾車亦同其船
及碾磴邸店之類各依當時賃直庸雖多不得過其
本價自今已後應定賊數宜約當時絹估並准實錢

同上

縣令等官准故事選擬敕

縣令錄事參軍自今已後選司所擬宜准故事過中
書門下更審詳擇仍永爲常式

唐會要
六十九

簡擇巧兒修理金吾墻勅

左右金吾內外廊所緣牆壁廊宇器械等破碎並宜于當色月番人中簡擇巧兒隨事修理如更別創造緣牆宇所須一切已上俱錄狀奏仍永為恆式

唐會要七

外官給半料京官不給勅

天下都府及縣官祿白直品子等課從乾元元年外

官給半料與職田京官亦與職田不給料

至德已後內外官無

料錢至仍勅度支使量閑劇司給手力課員外官一

切無料

冊府五百六

逃戶田宅官為租賃勅

逃戶租庸據帳徵納或貨賣田宅或攤出鄰人展轉誅求為弊亦甚自今已後應有逃戶田宅並須官為租賃取其價直以充課稅逃人歸復宜並卻還所由亦不得稱負欠租賦別有徵索

唐會要八十五

宣付諸州文狀勅

諸司使諸州府進奏文狀應合宣行三紙已上皆自寫宣付四本中書省宣過中書省將兩本與門下省

唐會要五十四

簡擇常參官勅

散騎常侍且各置常參官兩人令自簡擇聞奏參典

亦置兩人同上

勿信中使宣言勅

諸道州府所承上命須憑正勅後可施行不得懸信

中使宣言勅即便遵行唐會要六十五

客戶編附百姓勅

客戶若住經一年已上自貼買得田地有農桑者無

問于莊蔭家住及自造屋舍勒一切編附為百姓差

科比居人例量減一半庶填逃散者唐會要八十五

安存現在百姓勅

近日已來百姓逃散至於戶口十不半存今色役殷

繁不減舊數既無正身可送又遣鄰保祇承轉加流
亡日益艱弊其實流亡者且量蠲減見在者節級差
科必冀安存庶為均濟同上

勒留過客器杖勅

駱谷金牛子午等路往來行客所將隨身器仗等今
日以後除郎官御史諸州部統進奉事官任將器仗
隨身自餘私客等皆須過所上具所將器仗色目然
後放過如過所上不具所將器仗色目數者一切于
守捉處勒留唐會要八十六

刺史縣令改轉例勅

刺史縣令自今已後改轉刺史三年為限縣令四年為限員外及攝試官一切不得釐豫

冊府六百三十

賜諸王手札

朕之兄弟惟有五人比為方伯歲一朝見雖載崇藩屏而有睽談笑是以輟牧人而各守京職每聽政之後延入宮中申友于之志詠常棣之詩邕邕如怡怡如展天倫之愛也

南部新書

唐文拾遺卷之五

榮祿大夫三品頂戴前分巡廣東高廉道加四級臣陸心源輯

代宗皇帝

事蹟詳全唐文四十六

選擇郎官制

周有六卿分掌國柄各率其屬以宣王化今之尚書省即六官之位也古稱會府實曰政源庶務所歸比于喉舌猶天之有北斗也朕纂承丕緒遭遇多艱典章故事久未克舉其尚書宜申明令式一依故事諸司諸使及天下州府有事准令式各申省者先申省



司取裁并所奏請勅到省有不便于事者省司詳定
聞奏然後施行自今以後其郎官有闕選擇多識前
言備諳故事志業正直文史兼優者勿收虛名務取
實用六行之內眾務畢舉事無巨細皆中職司酌于
故實遵我時憲凡百在位悉朕意焉唐會要五十七
誅姜慶初等并削裴倣官爵制

授顏真卿刑部尚書告

門下昔舜命咎繇□□□明于五刑惟刑克允重
華聖帝也□□□庭堅埋臣也□□明金紫光
祿大夫使持節湖州諸軍事前□□刺史本州團練
守捉使上柱國魯郡開國公顏真卿含和毓靈□□
□義繼文儒□□宏亮直之風執禮□□□變准
揚名四□□三朝夙著嘉□□形大節既茂次公
之績□□越石之勳詢□□堪登右序矯枉□正
亦會左遷知進退而□□一心交榮悴而□□
今載舉遺典重□庶獄以遵舊服其教在□□刑部
尚書散官勳封如故主者施行黃本顏魯公文集卷十七

復左藏庫詔

凡財賦皆歸左藏庫一用舊式每歲於數中擇精好之物進三五十萬匹納入大盈庫而度支先以其全數聞

冊府四百八十四

優獎功臣後嗣詔

武德貞觀之間有若魏徵王珪李靖李勣房玄齡杜如晦等扶翼大運勤勞王家尊主庇人匪躬致命咸有一德格于皇天緬然長懷風烈猶在其後嗣沈翳將加優獎如廟宇荒毀即宜修葺無德不報何日忘之

冊府一百三十九

京兆府屬官迴避詔

中書門下及兩省五品已上尚書省四品已上御史臺五品已上諸同正員三品以下諸王駙馬中要周

丞簿尉

冊府六百三十一

州縣官不得聽本貫人任詔

不許百姓任本貫州縣官及本貫鄰縣官京兆河南府不在此限

同上

招募官健詔

諸道軍甲每年秋末冬首一申春夏不須申其官健

逃亡非承正制初不得輒召募唐會要七十二

顯要官子孫不得擬授州縣勅

勅見任中書門下兩省五品已上尚書省三品已上

子孫合授官者一切擬京官不得擬州縣官冊府六

諸司闕官職田充修廨宇勅

京諸司闕官職田苗子自今以後宜並充修當司廨

宇用其草准式處分仍令分司監察御史勾當冊府五百

六

諫官每月奏對勅

諫官奏事不須限官品次第于每月奏事官數內聽

一人奏對唐會要五十六

逃人物業量授附籍人勅

如有浮客情願編附請射逃人物業者便准式據丁

口給授如二年已上種植家業成者雖本主到不在

卻還限任別給授冊府四百九十五

郎中員外任刺史勅

郎中得任中州刺史員外郎得任下州刺史用崇岳

牧之任兼擇臺郎之能唐會要六十八

府縣替除勅

諸州府縣今後有才不稱職及犯贓私卽任本使及

州府奏人請替除並不在奏請其所許奏人仍須灼然公清曾經驅使者課効資歷當者兼具歷任申報年月并所替官合替事由同奏

唐會要六十九

諫官每月上封事勅

諫官令每月一上封事指陳時政得失

唐會要五十六

帶職官不用缺勅

諸州府錄事參軍及縣令其有帶職兼官判試權知檢校等官者自今已後吏部不在用缺之限

唐會要六十九

罷不通經業兩館生勅

宏文崇文兩館生皆以資蔭補充所習經業務須精

熟楷書字體皆得正樣通者與出身不通者罷之

唐會要十七

巡檢衢路勅

如聞諸軍及諸府皆於道路開鑿營種衢路隘窄行李有妨苟徇所資頗乖法理宜令諸道諸使及州府長吏即差官巡檢各依舊路不得輒有耕種并所在

橋路亦令隨要修葺

唐會要八十六

五方上帝等祠用豬羊勅

五方上帝九宮並大祠朝日夕月百神大社先農釋奠並中祠自今以後大社用犢中祠用豬羊各一委

所司支給送太常入滌其副准前唐會要二十三

給明衣絹勅

自今已後五品以上及監察御史太常博士宜准式給明衣絹及浴巾餘准常例其布絹支左藏庫青苗物充同上

給百官喪葬人夫勅

應准勅供百官喪葬人夫幔幕等三品已上給夫一百人四品五品五十人六品已下三十人應給夫須和雇價直委中書門下文計處置其幔幕鴻臚衛尉等供者所須載幔幕張設人並合本司自備如特有

處分定人夫數不在此限唐會要三十八

還櫬入城勅

如聞士庶在外身亡將櫬還京多被有司不放入城自今已後不須止遏同上

奏送解天文人勅

艱難以來疇人子弟流散司天監官員多闕其天下諸州官人百姓有解天文元象者各委本道長吏具名聞奏送赴上都唐會要四十四

州府改革申尚書勅

天下諸使及州府須有改革處置事一切先申尚書

省委僕射以下商量聞奏不得輒自奏請唐會要五十七
流外人不授州縣勅

流外出身人今後勿授刺史縣令錄事參軍諸軍諸使亦不得奏請仍委所由檢勘雖恩制所授並不得與上同會缺不成赴集如須要甄錄者牒中書門下吏部改與別官唐會要五十八

拆毀臨市樓閣勅

諸坊市邸店樓屋皆不得起樓閣臨市人家勒百日內毀拆唐會要五十九

檢校祕書勅

祕書省書閣內書自今後不得輒供諸司及官人等每月兩衙及兩風委祕書郎典書等同檢校遞相搜出仍舊封閉唐會要六十五

較印斗秤勅

自今以後應付行用斗秤尺度准式取太府寺較印然後行用唐會要六十六

都水監造掌魚鰓勅

應祠祭乾魚鰓宜令都水監依樣每年起十月造掌隨祭供用其醢魚肉據用數依限送光祿寺令供造

同上

刺史替代降魚書勅

諸州刺史替代及別追皆降魚書然後離任無事不得輒追赴使及出境刺史有故闕使司不得差攝但令上佐知州事

唐會要六十九

金吾置判官勅

左右金吾引駕仗自今已後每仗置判官兩人左右街使置判官一人並取金吾將軍衛佐充二周年放選優與處分

唐會要七十一

停止禁衛充手力等勅

左右金吾引駕仗三衛等承前以來抽充三番將軍

手力及都知判官等處并承旨省中承符驅使仍取資課供用禁衛之人不合擅離職掌自今以後宜一切停止

同上

精擇中郎將勅

入閣升殿中郎將等帶刀升殿職掌不輕宜委中書門下精加選擇仍以品第于廊下別與置廚其千牛郎將宜准此

同上

禁止皇親交婚軍將勅

皇五等已上親不許與軍將婚姻駙馬郡主壻不許與軍將交遊

唐會要七十二

量定進士冬集授散勅

禮部送進士明經明法宏文生及崇賢生道舉等准式據書判資蔭量定冬集授散其春秋公羊穀梁周禮儀禮業人比緣習者校少開元中勅一例冬集其禮業每年授散自今以後禮人及道舉明法等考試書判稍優并蔭高及身是勳官三衛者准往例注冬集餘並授散

唐會要七十五

童子出身勅

童子舉人取十歲以下者習一經兼論語孝經每卷誦文十科全通者與出身仍每年冬本貫申送禮部

同明經舉人例考試訖聞奏

唐會要七十六

董晉等充三司使勅

御史中丞董晉中書舍人薛蕃給事中劉廼宜充三司使仍取右金吾廳一所充使院并於西朝堂置幕屋收詞訟

唐會要七十八

品官依戶納稅勅

天下及王公已下自今已後宜准度支長行旨條每年稅錢上上戶四千文上中戶三千五百文上下戶三千文中上戶二千五百文中中戶二千文中下戶一千五百文下上戶一千文下中戶七百文下下戶

五百文其現任官一品准上上戶稅九品准下下戶
稅餘品並准依此戶等稅若一戶數處任官亦每處
依品納稅其內外官仍據正員及占額內闕者稅其
試及同正員文武官不在稅限其百姓有邸店行舖
及爐冶應准式合加本戶二等稅者依此稅數勘責
徵納其寄莊戶准舊例從八等戶稅寄住戶從九等
戶稅比類百姓事恐不均宜各遞加一等稅其諸色
浮客及權時寄住戶等無問有官無官亦所在爲兩
等收稅稍殷厚者准八等戶稅餘准九等戶稅如數
處有莊田亦每處納稅諸道將士莊田旣緣防禦勤

勞不可同百例並一切從九等輸稅

唐會要
八十三

禁割貫改名勅

名籍一家輒請移改詐冒規避多出此流自今已後
割貫改名一切禁斷

唐會要
八十五

修造橋梁勅

承前府縣並差百姓修理橋梁不逾旬月卽被毀拆
又更差勒修造百姓勞煩常以爲弊宜委左右街使
勾當捉搦勿令違犯如歲月深久橋木爛壞要修理
者左右街使與京兆府計會其事申報中書門下計
料處置其坊市橋令當界修理諸橋街京兆府以當

府利錢充修造

唐會要八十六

限正月修橋勅

其坊市內有橋不問大小各仰本街曲當界其修仍令京兆府各差本界官及當坊市所由勾當每年限正月十五日內令畢如違百姓決二十仍勒依前令修文武官一切具名聞奏節級科貶如後續有破壞仍令所由時看功用多少計定數修理不得輒剩料率及有隱欺

同上

職田徵收各送本官勅

內外文武官職田及公廨田準式州縣每年六月三

十日徵收給付本官近來不守常規多不申報給付之際先付清望要官其間慢卑官即被延引不付自今以後準式各令送付本官又準式職田黃籍每三年一造自天寶九載以後更不造籍宜各委州縣每年差專知官巡覆仍造簿依限申交所司不得隱漏及妄破蒿荒如有違犯專知官及本典準法科罰

唐會要九十二

軍器本錢放利勅

軍器公廨本錢三千貫文放在人上取利充使以下食料紙筆宜於數內收一千貫文別納店舖課錢添

公廨收利雜用唐會要九十三

建雙廟勅

頃者國步艱難妖星不落中原板蕩四海橫流公等
內總羸師外臨勅敵析骸易子曾未病諸兵盡矢窮
乃其憂也嗚呼天未悔禍人何以堪宵甘殺身不附
凶黨信光揚於史冊可龜鑑于人倫其立廟焉時以
祭祀海甯州志

戒理甌使勅

理甌使但任投甌人投表狀於甌中依進來不須勘
責副本并妄有盤問及方便止遏唐會要五十五

宰臣出鎮許百官迎送勅

宰臣出守方鎮中書門下并百官迎送不須聞奏會要

德宗皇帝

事蹟詳全唐文五十

常參官初授讓一人自代制

常參官及節度觀察防禦軍使都知兵馬使刺史少
尹赤令畿令及大理司直評事授訖三日內於四方
館上奏讓一人自代其外官委長吏附送其表付中
書門下每官闕以舉多者授之冊府六百三十

諸色罷使冬季聞奏制

自今已後應諸色使行軍司馬判官書記參謀支使推官等使罷者如是檢校試五品已上不合于吏部選集並任准罷使郎官御史例冬季聞奏唐會要七十五

條件息利本錢制

百官及在城諸使息利本錢徵放多年積成深弊宜委中書門下與所司商量其利害條件以聞不得擅有禁錢務令通濟唐會要九十三

宣讀時令制

自今以後每至四孟月迎氣之日令所司宣讀時令朕當與百辟卿士舉行之唐會要二十六

支給郡縣主錢詔

郡縣主聳有正員官停者郡主每季給錢七十千縣主每季給五十千郡縣主聳已亡歿者亦准此支給

冊府五百六

褒劉昌城平涼詔

平涼當舊會之衝居北地之要劉昌請城于茲分兵保戍實以遏其要衝保寧邊鄙冊府四百十

宣賜淮西鎮守軍及諸道行營將士詔

淮西接界州縣本軍鎮守及諸道赴行營將士等宜共賜物二千萬端正以充賞設仍委本道條錄聞奏

並與甄敘其行營將健各放歸本道明加宣諭令悉
朕懷冊府百二十八

賜故太尉段秀實祭葬立碑詔

贈太尉段秀實天授貞烈激其頽風蒼皇之中密蘊
雄斷將舒國難詭收寇兵撓其克謀果集吾事挺身
徑進奮擊渠魁英名凜然正邁千古宜差官致祭并
旌表門閭緣葬所要一切官給仍於墓所官為立碑
以揚徽烈諸軍將士有身死王事委本使具名銜聞
奏卽與褒贈冊府百三十九

減諸道手力詔

今年十月三日權減諸道諸州刺史判軍事料及專
知勾當官加手力課并減州縣官手力門倉庫獄囚
子驛館廨宇等錢宜一切卻仍舊唐會要九十一

寶克構准赴選詔

寶克構宜令赴選仍委有司比類前任正員官依資
注擬自今已後郡縣主壻除丁憂外有曾任正員官
停檢校官俸料者亦准此處分其餘先是兼試同正
員等不在選序者停檢校官俸料任便赴集有司據
檢校官量降三資與正員官元無官與解褐正員官

冊府百三十六

封韓滉晉國公詔

江淮轉運檢校尚書左僕射平章事韓滉勵精勤職夙夜在公漕輓資儲千里相繼可封晉國公

將軍以下充武成王廟獻官詔

虞書云帝德廣運乃聖乃神乃武乃文則化武功皇王之二柄祀禮教敬國帝孔明稽開元舊儀可為則其武成王廟自今以後宜令上將軍以下充獻官餘依李紆所奏大唐郊祀錄十

條件五品以上武官去任詔

軍衛及率府五品以上正員武官得替及以理去任

者宜令兵部准五品已上文官例每年作格限條件

聞奏冊府六百三十

減常膳詔

古者天子不修德下民罹其禍則內府損服御太常減膳以克責朕德信不著姦臣不判今兩河之間兵革未戢郡道疲於徵斂百姓失業不得農桑朕是以對案輟食私自貶損其供常膳有司宜省之太子諸王已下食物亦各節其數唐會要五十三

給郡縣主婿月俸詔

郡主婿檢校四品京官者戶部月給俸錢三十千文

度支歲給祿米一百二十石縣主壻檢校五品京官
給俸錢二十千文祿米百石其有出身及先任正官
并負才學政術欲從上舉選者聽之如官已登朝不
用此制唐會要六

置神策軍統軍詔

左右神策軍特為親近宜署統軍以崇禁衛其品秩
俸祿料一事以上同六軍統軍例唐會要七十二

報權德輿詔

非不知卿勞苦以卿文雅尚未得如卿等比者所以
久難其人唐會要五十五

注擬大理太常官闕勅

大理法官及太常禮官宜委吏部每至選時簡擇才
識相當者與本司商量注擬冊府六十三

令中書省檢勘行在授官勅

應去冬奉天行在給勅牒授官人等宜令中書門下
檢勘牒文憑據分明即與依授官日月進畫已後檢
日並畫日為定不得用所行下月限同上

五品官不合選補使注擬勅

五品官准式不合選補使注擬宜付吏部檢勘訖送
中書門下其據資敘卻合授六品已下官任便處分

同上

散騎常侍不兼任使勅

左右散騎常侍是中書門下正三品官謂之侍極宰

臣次列除特委方面者餘不合兼任使先已授者宜

改與別官自今已後更不得注授唐會要五十四

選人由歷附所司申聞勅

除常參官及諸使判官等餘並附所司申其兵部選

人亦准此冊府六百三十

放免逃亡息本勅

自今後應徵息利本錢除主保逃亡轉徵鄰近者放

免餘並準舊徵收其所欠錢仍任各取當司闕官職

田量事糶貨充填本數并已後所舉不得過二十貫

唐會要九十三

令常參官舉堪任縣令等官勅

宜令清資常參官每年於吏部選人中各舉一人堪

任縣令錄事參軍者所司依資注擬便於甲歷具所

舉官名銜仍牒報御史臺如到任理政尤異及無贓

犯事蹟明著所司錄舉官姓名聞奏當議褒貶仍長

名後二十日內舉畢仍永為常式冊府六百三十

御史分察六部勅

監察御史六人承前所定皆是從下次舊例從下又合出使若一人出使兼有故則六察御史遞相移改今請令監察從上第一人察吏部禮部第二人察兵部工部第三人察戶部刑部每年終議其殿最唐會要六

停東西推官勅

知東推西推侍御史各一人臺司以推鞠為重務請令第一殿中同知東推第二殿中同知西推仍分日受事一人有故同推便知先所置推官二員請停唐會要六十二

升興元府勅

梁州昇為興元府官員資敘一切同京兆河南府唐會要七十一

重考不合選應舉人勅

禮部應進士舉人等自今以後如有試官并不合選并諸色出身人有應舉者先於舉司陳狀准例考試如才堪及第者送名中書門下重加考覈如實不堪即令所司追納告身注毀官甲准例與及第至選日仍稍優與處分其正員不在舉限冊府六十四

簡擇待制官勅

宜令中書門下兩省分置待制官三十員仍于見任
前資及同正兼試九品已上官中簡擇文學理道兵
鋒法度優深者具名聞奏度據品秩量給俸錢并置
本收利供廚料所須幹力什器廳宇等并計料處分
唐會要
二十六

禁採捕勅

自今已後每年五月宜令天下州縣禁斷採捕弋獵
仍令所在斷屠宰永爲常式并委州府長吏嚴加捉
搦其應合供陵廟並依常式
唐會要
四十一
減文武百官月料勅

文武百官每月料錢一百貫已上者三分減一八十
貫已上者五分減一六十貫已上者七分減一四十
貫已上者十分減一三十貫已下者不減待兵革甯
後仍舊給
冊府五
百六

支給致仕官祿料勅

致仕官所請半祿料及賜物等並宜從勅出日於本
貫及寄住處州府支給
唐會要
六十七

給公主等封物勅

諸公主每年各給封物七百段正此依舊例春秋兩
限支給諸郡主每季各賜錢一百貫文諸縣主每季

各賜錢七十貫文其郡縣主壻見任前資正員外員
官等一依支給唐會要六

駙馬無子不用母蔭勅

駙馬郡縣主如實無子準式養男並不得用母蔭同上

太尉攝祭南郊勅

郊壇時祭燔柴瘞埋並依天寶十三年制自今以後

攝祭南郊太尉行事前一日于致齋所具羽儀鹵簿

公服引入親受祝版及赴清齋所唐會要九

郊廟行禮不施褥勅

至廟行禮不得施褥至敬之所自合履地而行至南

郊亦宜准此

唐會要十三

馬燧祔廟勅

贈太傅馬燧祔廟宜令所司供少牢仍給鹵簿唐會要十

九

嗣郡王庶子班位勅

今後嗣郡王列於官班之上庶子宜在卿之上唐會要二

五十

功臣分二等勅

國初以來將相功臣名跡崇高功效明著者宜差次

分爲二等唐會要四十五

待制官各陳所見勅

宜令每日待制官各陳所見一條仗下後封進觀古
畧兼補闕拾遺有足匡時固宜無隱如事煩細非理
道所切者不須同上

許百官送太傅燧葬勅

故司徒兼侍中贈太傅燧今月九日葬七日發引百
官不須入朝便于城外送發引唐會要
三十八

嗣王葬用鹵簿勅

自今已後嗣王薨葬日宜令所司並供鹵簿仍永為
常式同上

喪葬給鹵簿勅

自今已後應緣喪葬俱給鹵簿即遂便于街中宿幔
同上

死刑停先決杖勅

比來所司斷罪拘守科條或至死刑猶先決杖處之
極法更此傷殘惻隱之懷實所不忍自今已後罪之
死者先決杖宜停唐會要
四十

疏理禁囚勅

農事方興時雨猶少言念囚繫慮有滯冤京城百司
及畿內有禁囚李士政等六人合處極法宜從寬典

各決四十配流諸州其餘禁繫者委御史臺與諸司計會勅到後五日內疏理訖聞奏同

供進井水勅

立春日前內外兩井納水總二千五百段每段長一尺厚一尺五寸宜令府縣勾當澄濾淨潔供進唐會要五

九十

侍御史據六典舉奏勅

準六典殿中侍御史凡兩京城內分知左右巡察其不法之事謂左降流移停匿不去及妖訛宿宵蒲博盜竊獄訟冤濫諸州綱典貿易賦斂違法如此之類

方合奏聞比者因循務求細事既甚煩碎頗失大猷宜令自今以後據六典合舉之事所司有隱蔽者卽具狀奏聞其餘常務不須更聞唐會要六十

禁濫給驛券勅

諸道進奉卻迴及準勅發遣官健家口不合給驛券人等承前皆給路次轉達牒令州縣給熟食程糧草料自今以後宜委門下省檢勘憑據分明給傳牒發遣切加勘責勿容踰濫仍準給券例每日一度具狀聞奏唐會要六十一

驛官減選勅

從上都至汴州爲大路驛從上都至荆南爲次路驛
知六路驛官每一周年無敗闕與減一選仍任累計
次路驛官二周年無敗闕與減一選三周年減兩選
同上

置尙藥局醫官勅

殿中省尙藥局司醫宜更置一員醫佐加置兩員仍
並留授翰林醫官所司不得注擬

唐會要
六十五

內侍養子勅

內侍省五品已上許養一子仍以同姓者初養日不
得過十歲

同上

停省州縣佐錄簿尉勅

減諸上州刺史上佐一員錄事參軍司戶司兵司士
各一員中州刺史上佐一員錄事參軍司戶司兵各
一員下州刺史上佐一員錄事參軍司戶各一員諸
州參軍一半諸縣中等已上令一員尉一員下縣令
一員京兆河南府司錄判司及四赤縣丞縣尉量留
一半參軍全留餘並停省其諸赤及畿縣每縣留令
一員丞一員簿一員尉一員餘府隹上等州縣例以
諸州戶口減耗三分去二其官員合省今員闕偏併
尙未均平宜令所司依前件額卽分析州縣等第與

奏其左降官且仍舊其餘一切權停至來年五月三十日續取處分其應停減官俸糧祿職田雜料手力糧課等一切已上各宜令度支勘審檢收納送上都左藏庫收貯充賞戰士所用

唐會要六十九

省州府判司勅

天下州府別駕及司田田曹參軍除京兆河南太原三府外其諸州府判司雙曹者各省其一錄事參軍准判司例

同上

引接上將軍勅

諸衛上將軍自今以後每朝下馬至朝堂以來宜令

左右金吾作等級差人引接其退朝亦送至上馬處

唐會要七十一

放鼓傳點勅

四月一日以後五更二點放鼓契九月一日以後五更三點放鼓契日出後二刻傳點三刻進坐牌

同上

條件諸衛并舉武班朝參故事勅

六軍先已有勅各置統軍一人十六衛宜各置上將軍一人秩從二品其左右衛及左右金吾衛上將軍俸料隨軍人馬等同六軍統軍其諸衛上將軍次于統軍支給自今已後內文武官闕于文武班中才望

相當者相參敘用仍待已後各改事于本衛量置衛

兵所司續商量條件奏聽進止仍舉故事置武班朝

參其廊下食亦宜加給稱令優厚同上

按全文五十一所收增置金吾十六衛料錢糧課

詔互有不同

諸衛將軍入宿勅

左右衛左右武衛左右驍衛左右威衛左右領軍衛

左右監門衛左右千牛衛等上將軍大將軍宜于八

宿同上

宿衛選人予京官勅

選人南北衙宿衛前任京官等前銜帶衛者依資並

予京官同上

禁軍司違越勅

左右羽林軍飛騎等兵部召補格勅甚明軍司不合

擅有違越自今以後不得輒自召補唐會要七十二

答吏部奏請量事注擬勅

兩考闕不在用限其三考闕如非當年准格令用除

別勅授官人外亦不在用限如闕員不足選人事須

處分者臨時奏聽進止餘例依唐會要七十四

契丹首領授官勅

幽州道入朝契丹大首領梅落拽何等五人並可果
毅都尉次首領王下詔活薛于君等一十六人並可
別將放還國

唐會要九十六

停福建選補司勅

嶺南黔中選舊例補注訖給票放上其俸除手力紙
筆團厨雜給之外餘並待奏申勅到後據上日給付
其福建選補司宜停其桂廣泉建福賀韶等州宜依
選例稱補

唐會要七十五

明經進士人數勅

明經進士自今已後每年考試所拔人明經不得過

一百人進士不得過二十人如無其人不必更補此

唐會要七十六

類補宏文崇文學生勅

疑

應補宏文崇文學生員闕至少請補者多就中商量
須有先後伏請准建中三年十一月勅先補皇總麻
已上親及次宰輔子孫仍于同類之內所用蔭先儘
門地清華履歷要近者其餘據官蔭高下類例處分

唐會要七十七

幕府改官折資勅

諸道幕府判官及諸軍將比奏改官例多超越應從

散秩入清望官並折資處分

唐會要七十八

諸道副使等官改轉勅

諸道觀察都團練防禦及支度營田經畧招討等使應奏副使行軍判官支使參謀掌書記推官巡官請改轉臺省官宜三週年以上與改轉其緣軍務急切事跡殊常即奏聽進止

同上

諸軍文資官不得敘戰功勅

諸軍功狀內其判官等既各有年限並諸色文資官不合軍行自今以後更不得敘入戰功其掌書記及孔目官等亦宜准此如有灼然功效可錄任具狀奏

聞唐會要八十一

磨勘內侍官結階勅

內侍省自今以後高品官白身等官至五品已上合結朝散大夫等階及准格母妻合得邑號并結階累勳階者並宜當司磨勘具銜奏來

同上

處分冬薦勅

本置冬薦務在得人自今以後所薦官考試奏入上等人如無他故者准前勅類例處分其下等人有司便以時罷退任待他年重薦如情願同吏部六品以下選不合得留人例請授遠慢官者任經都省陳狀

吏部勘責限等第勅出後一月內送中書門下商量

進擬

唐會要八十二

前資官俸料勅

前資官未有功勞不合改轉既無俸料又慮艱辛入庫之日宜與同類官

同上

訪求醫博士勅

貞觀初諸州各置醫博士開元中兼置助教簡試醫術之士申明巡療之法比來有司補擬雖存職員藝非專精少堪施用緬思牧守實為分憂委之採擇當悉朕意自今已後諸州應闕醫博士宜令長史各自

訪求選試取藝業優長堪効用者具以名聞已出身

入式吏部更不須選集

同上

見任醫官不加料勅

其見任醫術官應非翰林供奉不在加料錢限

同上

停選醫官藥童勅

翰林醫官及藥童自今已後縱考滿并不得于所司選其見選人亦宜停

同上

取諸街枯樹修橋勅

宜令京兆府與金吾計會取城內諸街枯死槐樹充修灞澇等橋板木等用仍栽新樹充替

唐會要八十六

選官專知斗門勅

漕運通流國之大計其河水每至春夏之時多被兩岸田萊盜開斗門舟船停滯職此之由宜委汴宋等州觀察使選清強官專知分界勾當其鄭州徐州泗州界各仰刺史准此處分仍令知汴州支遣院官計會勾當

唐會要八十七

諸陵四面三里內不得葬勅

勅諸陵柏城四面合各三里內不得葬如三里內一里外舊塋須合耐者任移他處

唐會要二十一

禁銷錢勅

建
漂
白
毛
錄
發
行

今後天下鑄造買賣銅器並不須禁止其器物約每斤價值不得過一百六十文委所在長吏及過院同勾當訪察如有銷錢為銅以盜鑄錢罪論

唐會要八十九

賜渾瑊勅

今賜卿筆一管空名補牒一千紙有立功將士可隨大小書給不必申覆如有急令馬希倩奏來朕今與

卿訣

畫邊錄

又勅

今賜卿劍一口上至天下至泉將軍裁之

同上

今御職險一口土至夫不至泉掛軍越之
 又傳
 大小書餘不及中更政自念命風帝制來與
 今御職軍一管空浮蘇制一千珠亦立此洲土河
 御新越城
 今對天平繼發買賣陳器並不飛禁土其器以陳



唐文拾遺卷之六

榮祿大夫三品頂戴前分巡廣東高廉道加四級臣陸心源輯

憲宗皇帝

事蹟詳全唐文五十六

賜爵敘階制

舊例皆云三品以上賜爵三品為銀青光祿大夫雲
 麾將軍已上若職事官雖是三品散官四品以下竝
 不得敘爵但有三品以上散官雖四品職事官並合
 敘爵其所敘爵止於郡公其郡公更蒙賜爵即聽迴
 授其國公及封王並須特恩不在敘限其國公及封

王准賜爵亦聽迴授其制書中有諸色職掌臨時處分其職掌卽不限高卑准制便敘有司更不得妄授須三品階例近日有司起請中往往有言其敘爵須限職事三品官此乃深昧典章紊亂綱紀其敘階據制書舊例四品已下階四品謂正議大夫忠武將軍都不繫職事官內外官敘三品者皆須文武散官至四品上敘五品者皆須文武散官至六品上如四品階并是通議大夫壯武將軍以下六品階承議郎昭武副尉以下雖制書中累加散階亦在不敘三品五品之限如一制中累加散階亦不得先敘一階至正

議大夫忠武將軍朝議郎昭武校尉因續取制書中所賜皆敘三品五品永宜禁斷如兩制書日月相近亦准前不得累敘直須制書出時以正議大夫忠武將軍朝議郎昭武校尉已成方得敘三品縱制書中有優勞合加數階入三品止於銀青光祿大夫雲麾將軍入五品止於朝散大夫游擊將軍不在累敘金紫光祿大夫冠軍大將軍以上階並須特恩不合累敘其外命婦封內外官母妻各視其夫及子散官品令不得約職事官品文武五品階爲縣君四品階爲郡君三品已上階爲郡夫人卽止其國夫人須待特

恩不在敘例如至郡夫人又有制書賜封即改為郡夫人受新恩履歷而已

唐會要八十一

停永安軍額制

荆南是稅賦之地與關右諸鎮及河南河北有重兵處體例不同節度使之外不合更置軍額因循已久煩弊實深嚴綬所請停永安軍額宜依其合收錢米委嚴綬于當府諸縣蠲除不支濟人戶均減訖聞奏

唐會要七十八

按舉刺史制

度支如刺史於留州數內妄有減削及非理破使委

觀察使風聞按舉必當量加科貶以誠列城如刺史不奉制勅不得稱有公事請赴本使其錄事參軍亦不得擅離本州

唐會要六十八

案此首全文收在穆宗南郊改元德音內字句微有不同而會要又作元和二年或元和二年南郊赦文之佚文

定功臣諡詔

張柬之等皆書勳國史配饗廟庭賜諡易名義光百代宜令所司即與定諡聞奏

唐會要六十

禁中外官子弟私舉錢詔

應中外官有子弟凶惡不告家長私舉公私錢起今日後舉錢無尊屬同署文契其舉錢主在與不在其保人等並杖二十其本利錢仍令均攤填納應口馬莊宅諸色買賣相當後勒買人面付賣人價錢如違牙人決重二十付錢主家亦科罪冊府六百十二

科制避徭詔

男丁女工耕織之本雕墻峻宇耗蠹之源天下百姓或冒為僧道士苟避徭役有司宜備為科制修例聞

奏

唐會要五十

訪擇校書正字詔

祕書省宏文館崇文館左春坊司經局校書正字宜委吏部自今以後於平留選人中加工訪擇取志行貞退藝學精通者注擬綜覈才實維在得人不得限以登科及判入等第其校書正字限考入畿縣尉簿任依常格唐會要六十五

職田草粟詔

百司職田多少不均為弊日久宜令每司各收職田草粟等數自長官以下據多少人作等差除留闕官外分給唐會要九十二

建泉等州納物麤惡懲罰詔

大府奏建州泉州壽州所納物麤惡短狹布帛有幅
制度所存近日勸課不精竄濫方甚遂使女工都弃
國用乏虛若無所懲何以知懼刺史宜各罰一月課
料錄事參軍本縣令各罰一季課料本曹官罰一季
課料仍書下考冊府五
百四

令百寮陳錢物重輕利害詔

錢重物輕為弊頗甚詳求適變將以便人所貴緡貨
通行里閭寬息宜令百寮各隨所見作利害狀以聞
冊府五
百一

禁銷錢毀器詔

今已後諸州府有請以破鐘再鑄宜令所在差人監
領不得令銷錢毀器別有加添冊府五
百一

禁止停省職員詔

諸道新授節度觀察經略等使自勅出後使未到以
前或前使尚在本鎮或已發差知留務軍等官其軍
府職員多停省改易自今以後切令禁止縱先有此
色新使到道並令仍舊唐會要
七十八

支郡鎮遏屬刺史詔

諸道節度使團練都防禦經略等使所管支郡除本
軍州外別置鎮遏守捉兵馬者並合屬刺史等如刺

史帶本州團練防禦鎮遏等使其兵馬額便隸此使如無別使卽屬軍事其有邊于溪洞接連蕃蠻之處特建城鎮不關州郡者卽不在此限

唐會要七十八

趙宗儒權選事詔

東都留守趙宗儒權知吏部令掌東都選事銓試畢日停

唐會要七十五

公主等所養鷹鷂不得越界按放詔

公主郡主駙馬等所養鷹鷂按放但於城南不得輒越諸界其故違者府縣切加檢察錄名聞奏

冊府百四十一

懲宗正卿李上公等詔

所由闕于周防敢爾侵犯各據事狀宜有科懲知山門押官決六十削一任官曠騎三衛並決四十陵令馬敘罰一季俸料陵丞李建罰一月俸宗正卿李上公罰一月俸

唐會要十七

允權德輿請緣遷耐令子弟營護手詔

按此詔見五十卷本權載之文集題元和十二年二月十二日與全文五十三卷德宗詔同今存其目文不錄

贈權倕尚書禮部郎中勅

案此勅見五十卷本權載之文人題元和十

二年五月十九日與全文五十四卷德宗勅
同姑存其目文不錄

處分鄭方達勅

鄭方達宜委京兆府錮身遞送黔州付李模于偏遠
州驅使勿許東西

試官改轉勅

諸司府參佐檢校試官從元授官月日計如是五品
已上官及臺省官經三十箇月外任與改轉餘官經
二十箇月奏改轉若是未經考使有故事及停替官
本限之外更加十箇月即任申奏

唐會要
八十一

禁鉛錫錢勅

應屬諸軍諸使更有犯時用錢每貫除二十文足陌
內欠錢及有鉛錫錢者宜令京兆府柳項收禁牒報
本軍本使府司差人就軍及看決二十如情狀難容
復有違拒者仍令府司聞奏

唐會要
八十九

京官俸料給現錢勅

京百官俸料從五月以後並宜給見錢其數內一半
充給元估疋段者即據時估實數迴給見錢

唐會要
九十一

支給邢士美料錢勅

工部尚書邢士美以疾未任赴京宜就東都將息疾

損日赴任其料錢准上官例令有司支給唐會要九十一

收管岐陽馬地勅

開廡使所理岐陽馬舊地方三百四十七頃據監察御史范傳式奏岐陽馬坊地既不妨百姓租佃又不闕官中賦稅宜據數交付開廡使收管唐會要六十五

量置學生勅

東都國子監量置學生一百員國子館十五員太學館十五員四門館五十員廣文館十員律館十員書館三員算館二員唐會要六十六

停東都防禦使勅

承前東都留守無防禦使名往因權宜遂有制置俾從省便以復舊章其東都畿汝州都防禦使及副使宜停所管將士六千七百三十八人數內見所管將士都防鎮及宮苑中營田河陰陽翟偃師等縣鎮遏使共四千六百三十人委留守收管襄城葉縣鎮遏使共二千一百人委汝州防禦使收管唐會要六十七

裴次元充東都副留守勅

東都留守創立新軍所召將士切資精選要得府縣共詳簿書况分正副留守抑惟舊典宜令河南尹裴次元以本官充東都副留守唐會要六十七

舉人納策止宿勅

制舉人試訖有逼夜納策計不得歸者并于光宅寺止宿應巡檢勾當官吏并隨從人等待舉人納策畢並赴保壽寺止宿仍各仰金吾衛使差人監引送至宿所加勾當勿令喧雜

唐會要七十六

刺史上言利病並禁任處置產勅

自今已後刺史如有利病可言皆不限時節任自上表聞奏不須申報節度觀察使本任得替後遂於當處置百姓莊園舍宅或因替代情弊便破除正額兩稅不出差科自今已後此色並勒依元額輸稅

唐會要七

六十

罰韓皋俸料勅

勅封杖決人殊非文法因此致死有足矜嗟韓皋備歷中外合遵典憲有此乖越良所憮然罰一月俸料據決孫澥月日是舊刺史辛祕離任之後新刺史范傳正未到之時俱無愆尤不可議罰餘依

吳興藝文補

考覈所舉縣令勅

元和三年勅書所舉縣令皆直言其事不得妄有文

飾吏部舉其事狀隨事檢勘者今主司略勘資歷未
究人材自今已後宜委吏部精加考覈必使詳實不
得同阜選人例酌官所冀舉不妄施官無虛授仍令
四時注擬其觀察使刺史所舉人不得授以本州府
縣令到任後有罪犯其所舉主准前勅貶罰

唐會要
六十九

停英武軍勅

左右威遠營置來已久著在國章近置英武軍及加
軍額宜從併省以正舊名其英武軍額宜停將士及
當軍一切已上並合入左右威遠營依前置使二人
勾當

唐會要
七十二

停威遠營衣糧勅

左右龍武等六軍及威遠營應納課戶其一千八十
人所請衣糧宜並勒停仍委本軍具名牒送府縣收

管唐會要
七十二

禁聚射勅

京城內無故有人於街衢中帶戎仗及聚射委吏執
送府縣科決其諸軍諸禁身奏取進止

唐會要
七十二

父母年老單身免差勅

單身百姓父年七十以上及無父其母年六十以上
並不得差征鎮

唐會要
七十二

申光蔡三州縣官俸料勅

有司奏申光蔡三州州縣官緣給復無稅應支俸料今量定員額及課料其六品以下官仍令吏部于選人中擇優與註擬每月課料錢委所司量與支給其員外課料等本額待給復年滿一切仍舊唐會要七十五授新羅國王金俊邕等冊勅

金俊邕等冊宜令鴻臚寺于中書省受領至寺宣授與金力奇令賚歸國仍賜其叔彥昇門戟令本國准例給唐會要九十五

法司詳斷刑憲勅

舊制刑憲皆大理寺刑部詳斷聞奏然後至中書裁量近多不至兩司中書使自處置今後先付法司具輕重聞奏下中書令舍人等參酌然後據事例裁斷

唐會要五十五

處分濫給券勅

準元和三年諸道濫給券道勅文總一百二十七道已上者州府長官宜奪一季俸祿其本州官曹官及錄事參軍付吏部用闕去任殿一選唐會要六十一

訪察州縣勅

前後累降制勅應諸道違法徵科及刑政冤濫皆委

出使郎官御史訪察聞奏雖有此文未嘗舉職外地
生人之勞朝廷莫得盡知今後應出使郎官御史所
歷州縣其長吏政俗閭閻疾苦水旱災傷並一一條
錄奏聞郎官宜委左右丞勾當並限朝見後五口內
聞奏并申中書門下如所奏不實必議懲責唐會要
六十二
縣主不得離京勅

縣主壻請授外官如赴任縣主不得離京自今以後
永為常例唐會
要六

修周文武祠勅

周文王武王祠宇在咸陽縣宜令有司精加修飾唐
會

要二
十二

命婦朝謁勅

每年元日冬至立夏立秋立冬日外命婦朝謁皇太
后自有常儀不合前卻自今已後諸公主郡縣主宜
委宗正寺勾當常參官母妻御史臺勾當如有違越
者夫子奪一月俸無故頻不到者有司具狀聞奏唐
會

要二
十六

宮中上壽勅

今月六日是朕降誕之辰奉迎皇太后宮中上壽其
日並賜于光順門內殿與百官相見永為常式唐會
要二

安置李師古妻女勅

李師古嘗經任使待以始終雖是師道近親典章宜有差降其妻裴氏及女宜娘並於鄧州安置唐會要三十九

御史專知贓贖勅

今後應坐贓及他罪當贖者諸道委觀察判官一人專勾當及時申報如蔽匿不申者節級科貶加罪不係奏官長量情處置者其贓但准前申送御史臺充本色給用仍差御史一人專知贓贖不得以贓罰為名如罪名未正妄罰其財亦委觀察判官勾當差定

後先具名聞奏

唐會要四十

削鄭良宰官勅

鄭良宰如聞本非士族豈容塵忝班行宜削所授官通事舍人知館事楊造輕有論薦頗乖言慎宜罰一月俸冊府四百八十一

不酤官酒照湖州例勅

不酤官酒有益疲人管內六州皆合一例宜並准湖州勅處分冊府五百四

權判官與正授勅

自今已後應受權判官京官一考已上外官兩考已

卷六
上職事條舉者然與正授如未及正授別要除改者
不得全用權知判官資如特委重務卽不在此限
六百三十一
府冊

停盧則見任勅

御史出使動爲標式功在肅下不唯檢事監察御史
盧則奉使推鞠致使官曲犯賊被人告訴失在周慎
亦可薄懲宜停見任

答權德輿謝追贈祖倕禮部郎中表批

按此文見五十卷本權載之集題元和十三年閏五月與全文五十四批答同今存其目

文不錄

穆宗皇帝

事蹟詳全唐文六十四

蕭俛守吏部尙書詔

古者君使臣以禮臣事君以忠季氏以還鮮由茲道
先皇帝在位十五載凡解相印二十人多爲大僚或
授兵柄矧余小子宜有加焉朝議大夫守右僕射襲
徐國公蕭俛以勤事國以疾退身本末初終不失其
道旣罷樞務俾居端揆茲朕所以加恩超等復語前
言而俛繼有讓章至于三四敦諭頗切陳乞彌堅是

用改選部尙書足以表予寵重所以嘉爾謙光宜欽
厥心以保厥位無忝我明命可守吏部尙書冊府四
百六十

停抽給用錢詔

頃以寇賊未殄費用滋廣先有詔勅于諸道留州留
使給用錢中每貫量抽二百文今兵戈已戢經費有
常其抽錢宜從今年四月十一日以後停切令官吏
所在知委不得妄有增減冊府四百
八十四

答崔元略上章自辨詔

朕所命官豈非公選卿能稱職奚恤人言同上

任百官寒食掃墓勅

寒食掃墓著在令文比來妄有妨阻朕欲令羣下皆
遂私誠自今以後文武百官有墓塋域在城外并京
畿內者任往拜掃但假內往來不限日數有因此出
城假開不到者委御史勾當仍自今以後內外官要
覲親于外州及拜掃並任准令式年限請假唐會要
二十三
案全文六十五所收定寒食假詔計三十九字與
此勅不同

命路隨草處厚兼充史館修撰勅

隨處厚嘗在史館才行可稱伏以憲宗實錄未修切

資論撰宜兼充史館修撰仍分日入史館修實錄未
畢之間且許不入內署仍放朝參冊府五百五十四

放宮人勅

先在掖庭宮人及逆人家口并配內園者並放出外
任其所適唐會要三

賜蕃客重陽宴錢勅

蕃客等使皆遠申朝聘節遇重陽宜共賜錢二百貫
文以充宴賞仍給太常音樂唐會要二十九

任諸色人入道勅

諸色人中有情愿入道者但能暗記老子經及度人

經灼然精熟者即任入道其度人經情愿以黃庭經
代之者亦聽宜令所司具令立文狀條目限降誕月
內投名請試今年十月內試畢唐會要五十

員外二周年轉官勅

自今以後員外郎知制詔勅復授本官通計二周年
然後各依本行轉郎中亦依二周年與正除如是中
行後行郎中仍更轉前行一周年即與正除如更是
卑官知誥合轉員外者亦以二周年為限諫議大夫
知者同前行郎中給事中并翰林學士別宣並不在

此限唐會要五十五

詳覆大理結斷勅

今後大理寺結斷行文不當刑部詳覆於事不精卽委中書舍人舉書其輕重出入所失之事然後出唐會要十五

禁中使傳券違越勅

中使傳券素有定數如聞近日多越券牒宜令諸司府據元和十四年四月五日勅分明曉示自今已後如更違越所在州縣俱當時具名聞奏唐會要六十一

定太常員闕勅

吏部所注太常寺伎術官直殿中旣准格未爲乖越

宜並待考滿日停太常寺所論員闕從來年以後並

任本寺收管諸司更不得占授

唐會要六十五

優禮孔戣勅

尚書左丞孔戣可守禮部尚書致仕仍委所在長吏歲時親自存問兼致羊酒如至都其芻米什器之類委河南尹量事供送務從優禮筋力未衰堅請休退故示優禮唐會要六十七

諸軍使屬同百姓差遣勅

京兆府百姓屬諸軍諸使者宜令具挾名勅下一戶之內除已屬諸軍諸使其餘及父兄子弟據令式年

幾合入色役者明立簿籍同百姓例差遣唐會要六十七
官俸折米勅

近日訪聞京城米價稍貴須有通變以便公私宜令
戶部應給百官俸料其中一半合給匹段者通給官
中所糴粟每斗折錢五十文其段匹委別貯至冬糴
粟填納大倉冊府五十七

節度交割狀限勅

諸道節度使去任日宜准元和十五年七月十五日
勅處分其交割狀限新人到任後一箇月內分析聞
奏并報中書門下據替限委中書門下據報狀磨勘

聞奏以憑殿最唐會要七十八

禁賣新羅百姓勅

禁賣新羅尋有正勅所言如有漂寄固合任歸宜委
所在州縣切加勘會責審是本國百姓情願歸者方
得放回唐會要八十六

給韓宏俸料勅

司徒兼中書令韓宏疾未全平尙須在假將息其俸
料宜從勅下日便令所司支給唐會要九十二

添給諸司本錢勅

添給諸司本錢準元和十五年五月十一日勅內外

百司準二月五日赦文宜共賜錢一萬貫文以戶部
錢充仍令御史臺據司額大小公事閒劇爲等第均
配唐會要
九十三

唐會要
九十三
百司準二月五日赦文宜共賜錢一萬貫文以戶部
錢充仍令御史臺據司額大小公事閒劇爲等第均
配

唐文拾遺卷之七

榮祿大夫三品頂戴前分巡廣東高廉道加四級臣陸心源輯

敬宗皇帝

事蹟詳全唐文六十八

條流滄德二州官吏俸料詔

滄德二州州縣官吏等刺史每月料錢八十貫錄事
參軍三十五貫判司各置二人各二十五貫縣令三
十貫尉二十貫其俸祿且以度支物充仍半支省估
匹段半與實錢冊府五
百七

放宮女勅



在內宮女宜放三千人願嫁及歸近親並從所便不
須尋問

唐會要三

罰殷侑俸料勅

勅殷侑故違制令擅置戒壇須示薄懲用警方任罰

一季俸料其戒壇勒停

冊府六百九十九

選擇正員官勅

京百司應帶職奏正員官者自今已後宜於諸司及
府縣見在任官中選擇便以本官充職如見任無相
當者卽任於當年見選人中奏用便據資序與官不
要更待銓試仍永爲常式

冊府六百三十一

注擬迴授周親官勅

應請以一子官迴授諸親者自今已後須是周親仍
勘驗分明可注擬

冊府六百三十一

文宗皇帝

事蹟詳全唐文六十九

允路隨詳正順宗實錄詔

其錄中所書德宗順宗朝禁中事尋訪根柢蓋起謬
傳諒非信史宜令史官詳正刊去其他不要更修其
餘依奏

冊府五百五十六

允裴度奏勿廢飛狐縣鑄錢詔

鼓鑄之利合歸有司制置已成難亟更改其飛狐依
前令度支收管其甲價便以新鑄錢充其所由工匠
令院司與觀察使計會具挾名申不得廣占人戶侵
擾州縣冊府五百一

答崔鄆奏改茶法詔

權茶本率商旅紐貫涉於加稅東省曾有駁正鹽鐵
又經奏論法貴大同事難獨改

尹臺相逢儀制詔

尹正官重臺憲地高道路相逢儀制不定各執詞理
每有紛爭勝負取決於一時參詳未申於久制委有

司斟酌典故聞奏唐會要六十八

答劉涼請割閑地牧馬詔

委本道節度使差人與判使勘驗如實無主便任收
管仍不得侵奪居人田產冊府六百二十一

賜入道公主封物勅

潯陽平恩邵陽三公主皆捨俗入道宜令每年各賜
封物七百段正仍準舊例春秋兩限支付唐會要六

出降縣主敕粉錢勅

出降縣主敕粉錢宜令所司自今以後從出降日支
付唐會要六

東都權置舉勅

今年權於東都置舉其明經進士任便東都赴集其上都國子監舉人合在上都試及節目未盡者委條流聞奏冊府六百四十一

禁奇異袍襖綾勅

三品已上許服鶻銜瑞草雁銜綬帶及對孔雀綾袍襖四品五品許服地黃交枝綾六品已下常參官許服小團窠綾及無紋綾隔織獨織等充除此色外應有奇文異制袍襖綾等並禁斷其中書門下省尚書省御史臺及諸司三品官並勅下後許一月日改易

應諸司常參官限勅下後兩月日改易除非常參官及供奉官外州府四品已上官許通服絲布仍不得有花文一切禁斷其花絲布及繚綾除供御服外委所在長吏禁毀訖聞奏其不可服絲布者勅下後限一月並須改易唐會要三十二

贈卹王武俊妻李氏勅

故太尉王武俊妻晉太夫人李氏以武俊橫流之中拯定奔潰屬當葬事宜加贈卹宜令有司特給儀仗唐會要三十八

罰不及嗣勅

官必任親賢貴無宜輕授罰不及嗣經訓具有明文若坐子孫慮傷事理此一節且仍舊餘依

唐會要三十九

遞減禁囚勅

京畿之內萬類聚居觸刑章者多於天下加以百役牽應由斯致咎若干一一不恕則殺戮滋多應京畿內見禁囚犯死者降一等從流當徙者以遠近節級遞減一等處分

唐會要四十

停解奸吏勅

案此文見唐會要卷四十題曰開成四年與全文卷八十宣宗勅同姑存其目

檢勘舊官勅

中書門下吏部各有甲歷名為三庫以防踰濫如聞近日諸處奏官不經司檢尋未免姦偽起今已後諸司諸使諸道應奏六品以下諸色人稱舊有官及出身諸改轉并請授官可與商量者除進士及登科眾所聞知外宜令先下吏部及中書門下及三庫委給中書舍人吏部格式郎中各與甲庫官同檢勘具有無申報中書門下審無異同者然後依資進擬如諸司諸道奏論不實以有為無者臨時各加懲罰務使仕進稽實永絕僥倖

唐會要五十四

事有不可封章上論勅

凡事命頒行事有不可給事中職合封進省審既畢
宣布百司稽停晷刻皆著律令自今尚書省御史臺
所有制勅及官屬除不當宜封章上論其事狀分明
亦任舉按須指事據實更言風聞及滯詔旨并不放
上如郎官御史出使訪聞按舉自準前後勅文不在
此限

唐會要
五十四

記言記事勅

宜令起居郎起居舍人准故事入閣日賫紙筆於螭
頭下記言記事

唐會要
五十六

參詳元和以來制勅勅

元和長慶中皆因用兵權以濟事所下制勅難以通
行宜令尚書省取元和以來制勅參詳刪定訖送中
書門下議定聞奏

唐會要
五十七

參議僕射故事勅

僕射實百僚師長國初為宰相正官品秩至崇儀制
特異近或勳臣居任遂使故事不行卑列上凌舊章
下替昨令參議頗為得中宜付所司永為定制

唐會
要五

七十

罰沈傳師俸料勅

不度僧尼累曾有勅傳師既為藩守合奉詔條誘致迷妄須示薄懲罰一月俸料戒僧勒停冊府六百九十九

批荅楊於陵辭致仕全給俸料勅

卿早更委任每著聲猷累聞告老之辭勉遂懸車之請故優廩祿示以寵勞謙光有終雖君子之貞吉當仁不讓亦先哲之格言宜體至懷卽斷來表唐會要六十七

致仕依品秩勅

諸致仕官近日不限品秩高卑一例致仕酌法循舊頗越典章自今以後常參官五品外官四品者然後許致仕驗停唐會要六十七

李石守本官勅

鹽鐵判官守尚書刑部郎中李石宜守本官自今已後刑部郎中諸司諸使更不得奏請充職唐會要五十九

允滕珣致仕假公乘勅

滕珣致仕還鄉家貧路遠宜假公乘允其所請自今以後更有此類便為定例唐會要六十七

置宿州勅

宜准元和四年正月割徐州符離蘄泗州虹縣依前置宿州隸屬徐泗濠等州觀察使其州置于埇橋在徐州南界汴水上舟車之要其舊割四縣仍舊來屬

已下官便委吏部注擬

唐會要七十

禁京城坊曲習射勅

如聞京城百戶多於坊曲習射宜令禁斷其諸軍諸

使各仰有司自差人覺察

唐會要七十二

權停流外令史勅

吏部疏理諸色入仕人等令勘會諸司流外令史府

史掌固禮生楷書醫工及諸司流外令史等總一千

九百七十二員六百五十七員請權停一千三百一

十五員請令諸司守缺除見在外以後不得更置委

御史臺察訪

唐會要七十四

准格詳斷選人勅

疑

應選人未試以前南曹駁放後經廢置詳斷及准堂

判卻收比來南曹據給帖人數續到續試銓司更不

考判便同平留選人例注擬稍涉僥倖自今以後應

有此色並請待正月十日准格詳斷限畢都引試判

不及格并雜犯及續檢勘庫報并前選子案不同並

駁放不任更陳狀披訴及重詳斷之限

唐會要七十六

獎引勳臣子弟勅

自今已後天下勳臣節將子弟有能修詞尚學應進

士明經及通史學者委有司務獎引

唐會要七十六

進奏正官不帶檢校官憲官勅

諸道進奏官等舊例多是本道差文武職掌官充自後遂有奏帶正官者近日又有請兼檢校官及憲官者遞相援引轉無章程自今已後更有奏請帶正官不得兼檢校官及憲官如準諸道諸軍諸使職掌官例請檢校官及兼憲官充則不得帶正員官其見在進奏官已有檢校官兼憲官者且聽仍舊至改轉時商量處分唐會要七十九

停陝虢防禦使勅

陝虢西去兩京非遠唯管一郡分置廉使本因艱難

若四方少事則舊制為便其都防禦觀察使額宜停所管兵馬使屬本州防禦使同上

樓煩監牧置判巡官勅

樓煩監牧及造水等使宜共置判官一員巡官一員

同上

停隴州判官勅

隴州防禦使宜準長慶二年九月十八日勅例置判官一員其兵馬留後判官勒停同上

處分李賓等偽造印符勅

勅李賓等八人並偽造印符權賣巨蠹推窮盡伏法

斷死刑宜付京兆府各決痛杖一頓處死馬羽卿等
一十二人引致梯媒合成奸計各決六十配流嶺外
楊虞卿勾舉雖則盡心檢下終是無術親吏逃逸贓
狀未明量罰兩月俸料踰濫官六十五人內已付所
司者速令詳斷見勘具申奏其贓及偽印符等并付
司准法處分冊府六百三十八

改轉甲庫官勅

甲庫官舊例初入授同類官考滿去職則與依資改
轉此事參差有優有屈今宜同並諸色職事帶正員
官者准寶曆二年十一月九日勅處分其改轉亦同

前件如已在甲庫授官者即聽且依舊勅處分唐會要八

賜武口軍綾絹勅

武口軍士馬悉在行營不同常日舊賜綾絹二萬匹
仍委度支逐便支送冊府四百八十四

諸色本錢揀殷富放存勅

諸色本錢比來將放與人或府縣自取及貧人將捉
非惟積利不納亦且兼本破除今請一切不得與官
人及窮百姓并貧典吏揀當處殷富幹了者三五人
均使翻轉迴易仍放其諸色差遣庶得永存官物又

冀免破家唐會要九十三

支給李寰將士衣糧勅

李寰下將士衣糧舊准神策軍例支給今初移鎮伍

令度支且准舊例處分待滄景事平後仍委條流聞

奏冊府四百八十四

前資官充諸軍雜任勅

應緣諸軍使充押當雜任使合承優減選人請差前

資官充不得取選數過格人冊府六百三十一

諸道將校不得兼授正官勅

應諸軍使及諸道軍將兼特授正官等如聞內外官

曹悉皆充滿上自要重下至卑散班行府縣更無闕員或未經考便須替換相沿薦請為弊滋深况設官有定額不可增加列職無常數難兼命秩又文武名分授受各殊其諸使諸道將校等自今後宜依注列除舊有正官外並不得兼授正官同上

賜滄州營田綾絹勅

滄州營田已有次第耕牛欠數有奏論方及春農

實資濟恤宜更賜綾絹一萬疋其來年將士糧米便

勒本道自冊府五百三

禁掠買良口勅

嶺南福建桂管邕管安南等道百姓禁斷掠買餉遺
良口前後制勅處分重叠非不明白衛中行李元志
等雖云買致數實過多宜各令本道施行准元和四
年閏三月五日及八年九月十八日勅文切加約勒
唐會要
八十六

併度支分巡院勅

潼關以東度支分巡院宜併入鹽鐵江淮河陰留後
院唐會要
八十八

糾告私貯蓄積現錢勅

應私貯見錢家除合貯數外一萬貫至十萬貫限一

周年內處置畢十萬貫至二十萬貫以下者限二周
年內處置畢如有不守期限安然蓄積過本限卽任
人糾告及所由覺察其所犯家錢並準元和十二年
勅納官據數五分取一分充賞糾告人賞錢數止於
五千貫應犯錢法人色目決斷科貶並準元和十二
年勅處分其所由覺察亦量賞一半唐會要
八十九

給外任一品正料勅

應外任官帶一品正官京職縱不知政事且依俸料
宜付所司並令兼給唐會要
九十二

謁陵勅

凶徒竊發震駭京師中外協心卽時擒斬昨者將戮
叛黨咸告廟社國之大事合謁諸陵宜令所司卽擇
日撰儀差官

丁匠代役並減青苗錢勅

諸邑丁匠如有願納資課代役者每月每人任納錢
二千文其青苗地頭錢天下諸州每畝率十五文比
以京師煩劇加至三十文自今以後宜准諸州例每
畝十五文

王播權知東都選勅

吏部今年東都選事宜令河南尹王播權知侍郎銓

試畢日停

冊府六百三十一

駙馬守檢校官勅

駙馬都尉尙公主後宜令守檢校官二周年滿則量
人材資序改轉正員官仍爲定例

唐會要六

次對官奏事勅

自今以後每遇入閣日次對官未要隨班並出于東
階松樹下立待宰臣奏事退令齊至香案前各奏本
司公事左右史待次對官奏事訖同出

唐會要二十五

師保等官見太子勅

宜令師保賓客詹事左右春坊五品已上官每至朔

望日伏門下與前件官詣崇明門謁見皇太子其一官兩員已上者任分番如遇陰雨休假其輟朝放朝並權停唐會要二十六

鄭覃謁見太子勅

太子太師鄭覃每月與賓詹左右春坊五品已上官謁見皇太子宜令每月更添一日以二十六日二十一日詣崇明門謁見若遇陰雨休假其輟朝放朝即取以次雙日餘准今年四月勅處分同上

新羅生住學勅

新羅宿衛生王子金義宗等所請留住學生員仰准

舊例留二人衣糧准例支給

唐會要三十六

渤海生徒留六人勅

渤海所請生徒習學宜令青州觀察使放六人到上

都餘十人勒迴同上

新羅生還蕃勅

新羅學生內許七人准去年八月勅處分餘時服馬

畜糧料等既非舊例並勒還蕃同上

疏決禁囚勅

京城百司及府縣禁囚動經歲月推鞠未畢其有絕小事者經數箇月不速窮詰延至暑時蓋由官吏因

循致茲留獄炎蒸在候冤滯難堪宜付御史臺委高元裕選強明御史三兩人各於本司分閱文按據理疏決聞奏如官吏稽慢亦具名銜聞奏唐會要四十四

慶成節禁屠勅唐會要四十一

慶成節宜令內外司及天下州府但以素食不用屠殺永為常式唐會要四十一

進改左降官勅

貶責降資授正員官員及曾經誤累停免未經引用者並與進改左降官有事情可恕才用足稱者中書門下量才處分同上

使用責授官勅

諸州府有責授六品已下正員官起今已後宜委吏部許終四考滿與替仍先具事由申中書門下取指檢不得同尋常員闕使用同上

放赦流人准律勅

今後流人宜准名例律及獄官令有身名者六年已後聽赦無官爵者六年滿日放歸同上

禁司天臺與朝官交游勅

司天臺占候災祥理宜祕密如聞近日監司官吏及所由等多與朝官并雜色人交游既乖慎守須明制

約自今以後監司官吏並不得更與朝官及諸色人等交通往來仍委御史臺訪察

唐會要四十四

中書事宜覆奏勅

中書文狀悉在中書斷割裁量須歸根本如關錢穀刑獄等事有宣付諸司處置者宜更令覆奏候旨勅施行

唐會要五十四

戶部侍郎判錢穀勅

戶部侍郎兩員自今已後先授上者宜令便判錢穀如帶平章事及判鹽鐵度支兼中丞翰林學士即不在此限仍為永例

唐會要五十八

繕寫祕書缺書勅

祕書省集賢院應缺書四萬五千二百六十卷配諸

道繕寫

唐會要六十五

答柳正元條陳利病勅

正元條陳利病實謂推公所請割屬留守及停廢職員并衣糧並宜停其新差知院鄭鑑亦是冗員宜勒赴任仍委留守於見在職事人中差補勾當郢州每年送苜蓿丁資錢並請全收實利疲毗宜依其修武馬坊田地河陽節度近年權借依前勒閑廡宮苑使且存借名收管

同上

罰駙馬都尉竇澣賜錢勅

公主入參衣服踰制從夫之義過有所歸宜罰竇澣

兩月賜錢冊府百四十一

軍司先狀中書勅

左右神策軍所奏將吏改轉比多行牒中書門下使

覆奏處置今後令軍司先具聞奏狀到中書然後檢

勘進覆唐會要七十二

禁百姓著緋勅

坊市百姓甚多著緋阜開後襖子假託軍司自今以

後宜令禁斷同上

准故事監考勅

考課之法前王所重蓋以綜覈吏理勵精政途名實苟違將何沮勸宜准故事置內外知考使兼令中書

舍人給事中各一人監考冊府六百三十六

停泗口場雜稅勅

淮泗通津向來京國自有率稅頗聞怨讟薛元賞到鎮之初首請除去表章適至詔誅已興泗口稅據元賞所奏並停所置當官所司由並罷委元賞當日榜示其泗口稅額准徐泗觀察使今年前後兩度奏狀內豎共得錢一萬八千五十五貫文內十驛一萬一

千三百貫文委戶部每年以實錢逐近支付泗宿二州以度支上供錢賜充本軍用其他未贍委在才臣共息怨咨以安行旅

唐會要八十四

鹽鐵戶部度支三使下監院官皆郎官御史為之使

雖更改官不得移替如顯有曠敗即具事以聞

唐會要八

十

召佃戶稅額勅

諸州府或遇水旱有欠稅額合供錢物斛斗委州縣長官設法招携及召戶承佃其錢續續填納年終後

具歸復填補錢物數聞奏并報度支

兩道選補更停五年勅

兩道選補停罷多時極為利便隔年舉奉撓動遠情

宜更停五年

冊府六百三十一

私度僧人罰李穎等俸料勅

鄭州中牟縣私置壇場度僧一百六十人並仰勒歸

色役其刺史李穎罰一季俸料攝縣令前管城縣令

叔良停攝官仍殿本官兩選

冊府六百三十九

河北諸道每年許奏兩三人入仕勅

諸門入仕人數轉多每年吏曹注擬無闕唯河北諸

道河東澤潞山劍三川京北京西管內官員稍多假攝之中實有勞効每年許奏兩三人仍須是元額闕不得替見任人其餘諸道並不得奏人冊府六百三十一

四條流遞過流囚月日時刻勅冊府六百三十一

配流囚人行李所在州縣申報到發時刻月日頗甚遲違今再條流其遞過流囚准律日行五十里所在州縣各具月日時刻相承申報自今更或停滯囚徒有淹申發其本判官罰五十直縣令罰三十直本典決脊杖十五冊府六百三十三

誅楊延宗勅

特寬今日覆族之刑以答當時毀家之效斃於枯木非謂無恩

天爵無恩

科貢今日歸德之無以谷當也

卷一

五

